



10. 08 2017

UKA2017/112

Inatsisartut suleriaasiat § 33 naapertorlugu aalajangiiffigisassamik siunnersuut.

Naalackersuisut UKA 2018 sioqqullugu Danskít Inatsiseqarnikkut naalackersuisoqarfiannut saaffiginnissasoq nunaqarfinni tamani kommuneqarfoged-eqalernissaannik suleriaasissamik siunnersuusiortoqarnissaa anguniarlugu Inatsisartut aalajangiiffissaattut siunnersuut.

(Inatsisartunut ilaasortaq Debora Kleist, Inuit Ataqatigiit)

Tungavilersuut:

Inatsiseqarnek tamakkiisumik isigissagaanni nalunngilarput Naalagaaffeqartigiinnerup tamanna ataaniittoq, kommunefogedillu atorfinitsinneqartarnerat Nalagaaffiup pisussaaffiisa ilagigaat. Isumaqarpungali tamatta soqutigisariaqaripput aamma kommunefogeditut atorfiit tamarmik inuttaligaanissaat aammalu sivisuumik inuttassaaleqisanninnissaat.

Inatsisartut Inatsiseqarnermut, Ilaqautariinnut- Peqqinnissamullu ataatsimiititaliaata inatsiseqarnermut tunngasunik paasisassarsiorlutit Danmarkimut angalasarnerini, innuttaasunik Atammimmi Alluitsup-Paanilu upernariartornerani aasarlupaa siniaanerini annertuumik qanoq annertutigisumik pisariaqaritsinerit unammilligassallu paasineqarput, qanorlu annertutigisumik tamakku inatsiseqarnikkut suliaasaqarfittut pisariaqartitsitiffiususut.

Ukiorpanni ingerlaavartumik nunaqarfinni kommunefogedeqarnernermut tunngasunik assortuunnerit, tamatumunngalu tunngasunik ajornartorsiutit, aaqqittarialerput, Naalagaaffiup, Naalackersuisullu suleqatigiinnerisigut. Ullutsinni nunaqarfeqarfippaaloqarpugut, kommunefogedeqannginnertik pissutigalugu attanneqarsinnaangisumiillu inissisimavugut. Nalaatarput akuerineqarsinnaangitsutut nalilertariaavoq.

Apeqquteqaat aallaavigalugu upernaakkut Inatsisartut ataatsimiinneranni (UPA2017/165) oqallinnermi erseqqissumik naqissuserneqarpoq inatsiseqarnikkut suliaasagut unamminartut suli siunitsinniittut. Taamalisukkut inuiaqatigiittut nassuerutigalugu eqqaamajuartariaqarparput uagut nammineq akulerusimanissarput, pisariaqarluinnartumik inatsiseqarnermut tunngasunik pitsaasumik aaqqiisoqarnissaanut suleqataanissarput,



Naggataatigut kaammattuutigissavara qanoq iliuusissanik suliaqarnitsinni ilanngllugu nalilersussagipput ataani issuagassama piviusunngortinneqarnissaa, tassa § 37 naapertorlugu apeqquteqaat, nr. 286 2015-meersoq.

“... Kisiannili Kalaallit Nunaanni Politiit kommunefogedit aaqqissuussaanerannik, inummik oqartussaasumik ataatsimik ataatsimoorluni aningaasalersorneqartumik, oqartussaasut arlallit – soorlu Namminersorlutik Oqartussat, Kommuni Naalagaaffillu – sinnerlugit suliaqarnitsinni isumagisaqartartumik pilersitsisinnaanermut allannguisinnaaneq pillugu oqallinnermut peqataarusupput. Tamatumunnga atatillugu Kalaallit Nunaanni Eqqartuussiveqarneq pillugu isumaliutissiisut nr. 1442/2004-mi atuakkat sisamaanni kapitali 6.5 aamma 6.6 innersuussutigineqarput....”

Aningaasatigut ingerlatsinikkullu pisortanut kingunerisassai

Pilersaarut Naalagaaffiup ataaniimmat naatsorsuutigineqarsinnaassaaq Namminersorlutik Oqartussanut aningaasartuutit killeqassasut. Nalilerpara attaveqatigiinnerup pilersinnera pilersaarusionermullu tunngasut suleqataasariaqarnerlu annerpaamik A/C-nut ukiumut aningaasartuutit affarissagaat, kr. 250.000.

Namminersortunut aningaasarsiornikkut allaffissornikkullu kingunerisassai

Ilimanangilaq suliaq namminersortunut aningaasartuutaasasoq.

Innuttaasunut aningaasarsiornikkut allaffissornikkullu kingunerisassai

Ilimanangilaq suliaq innuttaasunut aningaasartuutaasasoq.